


樂翁稗說

拾遺

年譜

附錄

益齋集
貞



櫟翁裨說前一

至正壬午夏雨連月杜門無起音悶不可祛持
硯承簷溜聯友朋往還折簡遇所記書諸紙背
題其端曰櫟翁裨說夫櫟之從樂聲也然以不
材遠害在木為可樂所以從樂也予嘗從大夫
之後自免以養拙因號櫟翁庶幾其不材而能
壽也得之從卑亦聲也以義觀之裨未之卑者
也余少知讀書壯而廢其學今老矣顧言為駁
雜之文無實而可卑猶之裨也故名其所錄為
裨說云仲思序益齋自號櫟翁以對裨說

懿祖世祖諱下字與太祖諱並同金寬毅以開
國之前俗尚淳朴意其或然故書之王代錄懿
祖通六藝書與射妙絕一時世祖少蘊器局有
雄據三韓之志豈不知祖考之名為不可紀而
自以為名且以名其子乎況太祖創業垂統動
法先王寧有不得已而怙於非禮之名乎竊謂
新羅之時其君稱麻立干麻立干謂其臣聚會立新羅
當其君位因號其君曰麻立干謂其臣相尊之辭其臣稱阿干
大阿干至於鄉里之民例以干連其名而呼之
蓋相尊之辭也阿干或作阿餐閼餐以干餐餐

三字其聲相近也。懿祖世祖諱下字亦與干餐
粲之聲為相近。乃所謂相尊之辭。連其名而呼
之者之轉也。非其名也。太祖適以此字為名。好
事者遂傳會而為之說曰。三世一名。必三三韓
盖不足信也。

寬毅又云。道說見世祖松嶽南第曰。種穰之田而
種麻也。穰之與王方言相類。故太祖因姓王氏
云云。父在而子改其姓。天下豈有是理乎。嗚呼
其謂我太祖為之乎。且太祖逮世祖仕弓裔。弓
裔之多疑忌。太祖無故獨以王為姓。豈非取禍

之道乎謹按王代宗族記國祖姓王氏然則非
至太祖始姓王已種繆之說不亦誣哉

又言聖骨將軍虎景生阿干康忠康忠生居士
寶育是為國祖元德大王寶育生女配唐貴姓
而生懿祖懿祖生世祖世祖生太祖如其所云
唐貴姓者於懿祖為皇考而寶育皇考之舅也
而稱為國祖何也又言太祖追尊三代祖考及
其后妃考為世祖威武大王母為威武肅王后祖
為懿祖景康大王祖母為元昌王后曾祖母為
貞明王后曾祖母之父寶育為國祖元德大王

云略曾祖而書曾祖母之父謂之三代祖考何也按王代宗族記云國祖太祖之曾祖也貞明國祖之妃也聖源錄云寶育聖人者元德大王之外祖也以此觀之國祖元德大王是唐貴姓者之子而於懿祖為考也貞明王后是寶育之外孫女而於懿祖為妣也其以寶育為國祖元德大王者誤矣

又言懿祖得唐父所留弓矢涉海而遠觀然則其志深切矣龍王問其所欲即求東歸恐懿祖不如是也聖源錄云所康大王即懿祖之妻龍女

者平州人豆思站角干之女子也則與寬毅所記者異矣

王制曰天子七廟三昭三穆與太祖之廟而七諸侯五廟二昭二穆與太祖之廟而五祭法曰王立七廟一壇一墠諸侯立五廟一壇一墠漢韋玄成等以為周之所以七廟者以后稷始封文武始受命為王是以二廟不毀與親廟而七也劉歆以為七者其正數可常數者也宗變也不在數中苟有功德宗之不可預為定數於殷有三宗周公舉之以勸成王由是言之宗無數

也如韋氏之說七廟唯周制而已商書伊尹曰
七世之廟可以觀德七廟之制其來舊矣班固
以劉說為是者此也其昭穆之不易晦菴朱子
以左氏大王之昭王季之穆文之昭武之穆及
顏師古父為昭子為穆孫復為昭者又復論之
今按鄭玄曰遷廟之生以昭穆合藏於二祧之
中亦謂昭穆各以其序藏於二祧也其曰合藏
云者謂衆昭合藏於左祧衆穆合藏於右祧也
非謂昭穆皆合藏於右祧而遷於左祧然後之
壇之墀而之鬼也孔穎達曰禮三年喪畢遠祖

適遷新主入廟計昭穆之次昭次入昭廟穆次
入穆廟此其說明甚又無可疑者也閔默軒漬
乃謂昭當遷為穆穆當遷為昭至著論以譏朱
子今考其世代編年之書又謂昭穆萬世不易
何其說自相矛盾如此閔公在慶陵時作世代
一書而名編年綱目昭穆之論二書不同也兄弟相代者公羊以為
昭穆同班孔穎達曰兄弟相代即異昭穆則設
令兄弟四人俱立祖父之廟即以從毀故知其
理必不然公羊子但言其同班耳孔氏并其世
數而論之惜乎有未盡也若兄弟五人俱立將

毀其一耶。與未毀者其親同爾。將不毀歟。昭若
穆為四廟矣。是則兄弟之為同班宜也。但五人
俱立則為五世。其以同班不議迭毀乎。愚意兄
終弟及者。親親廟其義固有降殺矣。親廟以七
世五世迭毀。安知兄弟不以三世毀也。然不可
以臆斷也。我國先君兄弟相代者。太祖之子惠
定。光顯之子德靖。文。文王之子順宣。肅。仁王
之子毅明。神是也。然軒於此。又如何定奪。通鑑
載我太祖因胡僧機羅言於晉高祖曰。渤海我
婿也。其王為契丹所虜。請與朝廷共擊取之。

高祖不報及少帝與契丹為仇機羅復言之少
帝欲使我擾契丹東邊以分其兵勢遣郭仁遇
使我見其兵甚弱向者機羅之言特誇誕耳其
言如是後唐清泰三年契丹立石敬瑭為帝是
為晉高祖與契丹約為父子歲輸金帛三十萬
匹兩是年百濟王甄萱逃奔歸我請討逆子神
劔太祖親征擒滅之而新羅王金溥亦納土入
朝三韓既一乃偃兵息民聿修文教渤海將軍
申德禮禮部卿太和鉤工部卿太德譽等數千
萬人前後冒化來投若其與渤海結婚姻則國

史未之見也。以我太祖懷謀遠略，不務功名，豈不知五季之世，中原板蕩，不足與有為乎？豈不知石郎之與帝，其交不可以間乎？又豈不遣一使而因異域之僧，越海而謀於新造，未集之晉，欲為渤海報仇於方強之契丹乎？且郭仁遇之來也，果能盡見我兵之虛實，強弱乎？晉之君臣前惑襍羅之言，後信仁遇之語，遂謂我太祖為誇誕，豈不謬乎？

本朝經世大典，奎章閣學士虞集等撰書我國事云：太祖皇帝之十二年，天兵討契丹，叛至高

麗國人洪大宣降為嚮導共攻其國其王降所謂叛人者金山王子也僭帝河朔號年天成既而帝卷東奔闌入我北鄙太祖遣哈真扎曷帥師討之時忠憲王五年戊寅冬十有二月也天大寒雨雪而糧道不繼賊深壁以疲之忠憲王出兵與粟以資王師馘金山坑其衆於時兩國為兄弟之盟今虞公之筆若王師移兵於我我不得已而降者其犄角之功交歡之約沒而不書而洪大宣邊郡之一胥挺身逃降烏有一旅之衆承其繡縫而謂之共攻其國乎又言太宗

三年遣撒塔等討之其王又降置京府縣七十
二達魯花赤而班師四年盡殺達魯花赤叛保
海島云其所謂達魯花赤朝廷之所命耶將帥
承制自置者耶府縣之小即不論二京達魯花
赤必非微者亦不書名何也且以達魯花赤若
是之多其置之與殺之非細事也國史既無其
文問之遺老亦莫之知此尤可惑者也竊求其
所以然是時天子在壯庭去我有萬里之遠事
之虛實有不及知撒塔擁兵遼左與洪人宣貪
其虜掠掩我之功誣我以罪激怒朝廷以肆侵

伐耳虞公考之有不詳也嗚呼自古將師者欺
君勞師以盜富貴遠人不能自白橫罹屠戮者
可勝計哉

世言大臣嘗經竄謫及為有司劾免不得配享
宗廟此無稽之言也祭法曰法施於民以死勤
事以勞定國能禦大菑能捍大患則祀之非此
族也不在祀典今夫配享宗廟者雖非此族之
比要皆有功於國有德於民假使觸時君喜怒
以見竄謫臨事錯誤而遭劾免將廢而不祀之
乎抑有媿合竊客全身保位而無功德可紀者

將舉而祀之乎考之國史庾黔弼嘗流於鵠島而從祀於太祖尹璘見効於九城之役而與享於睿廟可見此言之為無稽也惟其功不足以揜過者自有論耳

吏部掌文銓兵曹主武選第其年月分其勞佚標其功過論其才否具載于書謂之政案中書擬陞黜以奏之門下承制勅以行之國家之法蓋與中原同也崔忠獻擅廢立常居府中與其僚佐私取政案注擬除授授其黨與為承宣者入白于王王不獲已從之忠獻之子怡孫沆沆

之子誼四世秉政習以為常其承宣謂之政色
承宣僚佐之任此者三品謂之政色尚書四品
以下謂之政色少卿持筆橐從事於其下者謂
之政色書題而其所會謂之政房斯乃府中之
私稱也若琴平章儀金首相敵朴尚書暄諸名
士皆由是以進當世榮之莫知其為可羞也柳
文正公璵與金仁俊既誅誼歸政王室其政房
因而不革以王室之重任襲權門之私稱此可
歎也

德陵初罷政房文銓武選委之選摠部而首亞

相領之庶幾有復古之望矣而一二腹心之臣
熟於銓選者使以他官兼之久而不易於是頑
鈍無恥輕薄冒進之徒乘機而効尤罔上以封
已使復古之義意徒為文具而已此又可歎也
施及穀陵之季年日甚一日紫泥之封塗抹於
宦寺之手黑冊之謗流播於婦兒之口傳曰作
法於涼其弊猶貪作法於貪弊將若之何其此
之謂乎兒輩用厚紙墨而油之以習書字謂之
黑冊穀陵在奉子山離宮以病不喜見
人勅外墨至不可辨時人謂之下黑冊塗抹寬
神王朝奇洪壽車若松同為平章事坐中書車

問於竒孔雀好在否竒亦問養牧丹之法時人
譏之國家設都兵馬使以待中平章事參知政
事政堂文學知門下省事為判事判樞密已下
為使有大事則會議故有合坐之名一歲而或
一會累歲而或不會其後改為都評議使或稱
為式目都監使事大來事多倉卒
合坐合坐之禮先至者離席北面而立後至者
依其位一行而揖同至席前南向兩拜離席北
向而伏以叙寒暄復至席前南向兩拜離席北
向一行而揖乃坐知僉議已上至則竊直皆下

庭而立東向上北俯首低手僉議立于其上二
行而揖升堂拜揖坐如前儀既得僉議一員同
坐更無庭迎之禮唯首相至則亞相而下皆下
庭東向上北以迎之首相西向對揖然後升堂
拜揖亦如前儀首相獨坐於東謂之由坐亞相
而下一行而坐首相非政丞轍也姑不曲坐無
庭迎錄事啓事于前各以其意言其可否錄事
往返其間使其議定于一然後施行謂之議合
其餘則端坐不言望之儼然誠可敬而畏也今
則僉議密直增置其員又各有商議之官判三

司事坐于亞相之上、左右使坐于評理之上下、
旅進而羣退、往往高談大笑、閨房夫婦之私、市
井米鹽之利、靡所不談、比之奇車孔雀、牧丹之
問、又各一時也。

舊制二府知貢舉、而卿監同知貢舉、試日、天未
明、知貢舉坐北牀南向、同知貢舉坐西牀東向、
監察奉命坐于南少西、上東北向、將校執旗分
立階下、舉子既集、即鎖門、貢院吏名呼舉子、分
處之兩廡、立木東西、書所試題、掛于其上、日至
禺中、承宣奉金印至、同知貢舉迎之庭中、相揖

而進知貢舉避于北壁之後承宣與同知貢舉
升堂兩拜叙寒溫又兩拜知貢舉出坐北牀下
席上承宣北向兩拜知貢舉亦兩拜承宣進伏
叙寒溫知貢舉即其坐答之承宣退又兩拜知
貢舉亦兩拜然後相揖而坐承宣坐東牀西向
與同知貢舉相對吏抱舉子所納卷以進承宣
開金印印卷內侍致黃封之醞知貢舉同知貢
舉與承宣拜賜就床飲畢又拜謝承宣迴同知
貢舉揖送于庭三場皆如之第一場第二場第三場
則於前試第矣金文貞知貢舉時洪忠正

子藩為承宣立門詰之曰某承命奉金印而來
知貢舉不庭迎某不敢入文貞曰承宣詣宰相
宰相坐而待之今乃起避過於禮矣况庭迎乎
曰將晚文貞不得已下階未盡一級忠正乃入
或問孰是曰文貞之言先王之定制所以敬大
臣也忠正之言欲以尊主也使其君法先王敬
大臣不亦尊主之義乎

德陵嘗問於臣齊賢曰我太祖之世契丹遺橐
駝繫之橋下不與芻豆以餓而死故以名其橋
焉橐駝雖不產於中國中國亦未嘗不畜之國

君而有數十頭橐駝其弊不至於傷民且却之則已矣何至餓而殺之乎臣對曰創業乘統之主其見遠而其慮深非後世之所及也且如宋太祖養猪禁中仁宗令放之後得妖人顧無所取血則知太祖慮亦及於此亦未為定論安知太祖養猪之意不有大於取血者耶我太祖之所以為此者將以折戎人之譎計耶抑亦防後世之侈心耶蓋必有微旨矣此在殿下恭默而思之力行而體之爾非愚臣所敢輕議也

又問臣曰我國古稱文物倖於中華今其學者

皆從釋子以習章句是宜雕蟲篆刻之徒寔繁
而經明行修之士絕少也此其故何耶臣對曰
昔我太祖經綸草昧日不暇給而首興學校作
成人材一幸西都遂命秀才廷鶚為博士教授
六部生徒賜綵帛以勸之頒廩穀以養之則可
見其用心之切矣光廟之後益修文教內崇國
學外列鄉校里庠黨序絃歌相聞師儒弟子涵
養陶薰連茹而彙征草創而潤色所謂文物侔
於中華蓋非過論也不幸毅王季年武人變起
所忽黨穢同臭玉石俱焚其脫身虎口者邂逅

窮山蛭冠帶而蒙伽梨以終餘年若神駿悟生
之流是也其後國家稍復用文之理士子雖有
願學之志顧無所從而學焉未免曩足遠尋蒙
伽梨而遯窮山者以講習之故神駿有送其學
者應舉京師詩云信陵公子統精兵遠赴邯鄲
立大名天下英雄皆法從可憐揮涕老侯嬴此
其證也故臣謂學者從釋子習章句其源蓋始
于此今殿下誠能廣學校謹庠序尊六藝明五
教以闡先王之道孰有背真儒而從釋子捨實
學而習章句者哉將見雕蟲篆刻之徒盡為經

明行修之士矣。德陵曰：卿之言為然。文廟在位三十有八年。春秋高，太臣王寵之、李子淵年耆德邵，每於便殿引見，訪以政事，既而置酒，至夜燈燭交光，君臣皆厖眉皓首，相對盡歡，望之如圖畫。忠憲王舊學於俞升旦，享國垂五十年，蓋學問以畜其德，畏慎以保其位，民悅之。而天祐之也。忠敬王以世子入朝，時憲宗征南，駐蹕釣魚山，世子將詣行在，道過京兆驪山，守土者請浴溫泉，謝曰：此唐明皇所嘗御者，雖異代安可襲乎？聞者歎其知禮，已而聞天子晏駕，乃迴車。

迎世祖于梁楚之郊世子軟角烏紗幘廣袖紫
羅袍犀鞢象笏進退可觀世祖驚喜曰高麗萬
里之國自唐太宗親征而不能服今其世子自
來歸我此天意也忠烈王為世子與學士金壇
李松縉僧祖英唱和有龍樓集踐祚之後日令
文臣崔雍等進說資治通鑑羣下化之武夫宦
官至有讀書而能詩者德陵入侍天庭招致名
士講論今古竟日忘倦自三代至于五季君臣
得失國家理亂言之如昨日事延祐初鮮卑僧
上言帝師巴思八制蒙古字有功於世乞今天

下郡國立廟比孔子仁宗命大臣諸老會議王
謂國公楊安普曰孔氏百王之師其得通祀以
德不以功今以制字取以為比後世恐有異論
事雖竟行聞者偉之常使僚佐讀宋史端坐以
聽至李沆王旦富韓范歐陽司馬諸名臣傳必
舉手加額以致景慕之思至丁謂蔡京章惇等
奸臣傳未嘗不扼腕切齒其好賢嫉惡盖天性
云

柳文正敬以贊成事免元文純傳遷贊成而判
軍簿其後文正以判版圖復相而位文純下文

純曰、吾於柳公猶門生也、安敢處于其上、文正
曰、軍簿古兵部、版圖古戶部、判兵部為二宰、判
戶部為三宰、所從來尚矣、烏可改也、交讓者累
月、忠烈王以問許文敬珙、對曰、珙之言舊制也、
傳之言私恩也、後進而讓於先進、禮也、傳之言
亦是也、今若以珙監修國史、則定矣、王從之、批
下文、正遂坐文純上、蓋文純時為修國史、事大
之後、執轡者多見任用、以至拜相、洪忠正常曰、
使人心易直、雖重九譯、可以相諭、如其不然、口
言面質、適足以自窮耳、嘗有使者至、合坐所、柳

高興清臣與之一言忠正喚舌人貴曰汝安在
而使宰相自言耶高興媿被流汗及高興為首
相其與賓客接也杯酒談笑亦使譯者居其間
故諸公曉然知客主之意而有以待之其自艾
於忠正之言乎

中官李大順有寵於世皇我喬桐人也時忠烈
王之入覲也請詔王以其兄校尉公世為別將
上曰官人有法制國有君朕何預焉因賜大官
羊上尊酒令從其所自白于王王曰汝兄校尉
耳越散負而授別將非舊例也大順不敢復言

後聞上之言如是乃授之

康慶龍家居教授大德乙巳其徒登成均試者
十人唱名後皆來謁呵喝之聲竟夕不絕宗室
益陽侯第在近異日入見禁中忠烈王問以民
間事侯因言之王曰此老雖不仕誨人不倦以
底于成豈曰小補哉勅吏載穀就賜其家

櫟翁耕說前集一

樂翁押說前集二

國初徐神逸郊居有鹿帶箭奔投神逸拔其箭而匿之獵者至不見而返夢一神人謝曰鹿吾子也賴君不死當令君之子孫世為宰輔神逸年八十生子曰弼弼生熙熙生訥果相繼為大師內史令配享廟庭近世通海縣有巨物如龜乘潮入浦潮落而不得去民將屠之縣令杜世通禁之作大索兩舟曳放海中夢老父拜於前曰吾兒遊不擇日幾不免鼎鑊公幸活之陰德大矣公與子孫必三世為宰相世通及子洪茂

俱登宥密孫瑛以上將軍致仕鞅鞅作詩曰龜
乎龜乎莫耽睡三世宰相虛語耳是夕龜夢之
曰君溺於酒色自減其福非予敢忘德也然將
有一喜姑需焉數日果落致仕為僕射

毅王季年鄭仲夫李義方李高作亂遷王于巨
瀛朝臣遭禍者甚衆又將屠其家大將軍陳俊
曰吾輩所嫉怨者韓賴李復基等不過四五人
今殺無辜亦已甚焉況妻子乎力禁之後四年
金甫端起兵圖反正不克又一切搜文士戮且
盡中外洵洵莫保朝夕即將金富謂鄭李曰天

意不可知人心不可測恃力不揆義猶薤衣冠
世寧少金甫鑑乎吾輩有子女者悉令與文吏
之家結婚姻以安其心可父之道也張從之然
後其禍衰止俊之孫湜澤溫皆登科湜官樞密
使澤溫以文章名世富之子就礪孫佺冊世為
首相其後多顯達至今

俞文安升旦天兵大舉侵及京畿晉陽公崔怡
欲遷都江華請群公議公獨曰以小事大理也
事之以禮交之以信彼亦何名而每困我哉棄
城郭捐宗社竄伏海島苟延歲月使邊陲之氓

丁壯盡於鋒鏑老弱係為奴虜非為國之長計也晉陽公不聽率族黨先至城南敬天寺宿焉是日從而往者皆賞以不次高王不獲已遂行數十年之間北方州郡皆為丘墟矣識者至今以為恨

哈真扎臘之討金山王子也東真國主萬奴出兵二萬使完顏子淵將而與之合國家授錢趙文正冲而金威烈就礪為副以犄角之哈真請兵及糧且約相見威烈先詣其營哈真曰果欲同力討賊當先遙拜蒙古皇帝次拜東真皇帝

公曰天無二日民無二王天下安有二帝哉弊
邑雖小不能臣於二帝矣遂不拜萬奴公身長
七尺鬚過其臍每盛服必使二婢子分舉其鬚
然後束帶及是哈真偉其貌奇其言遂定兄弟
之盟

韓樞密光祿修宅舍不拘陰陽其隣人夢玄衣
冠者十輩偶立色若不豫然相語曰我主人公
每有興作使我曹不寧居奈何曰何不相加以
楫曰非不能重其廉訊於其從者曰韓公家土
地也

庾壯元碩守安東一邑之民父母愛而神明敬
之後有守姓朴忘其名自謂為政不下於庾見
一小胥性賢而謹嘗獨坐郡齋語之曰咫尺之
地障以藩籬耳目莫得聞見况處一堂之上欲
察四境之內不亦難哉今也得無奸吏弄法而
窮民飲恨者乎汝其言之無隱胥曰自官之來
民不見吏吏之弄法有不及知民之飲恨未之
聞也守曰民以我何如庾使君胥曰民稱庾使
君有間語亦及之守慙服

孫知樞朴廉按慶尚人有弟與姊相訟者弟曰

一女一兒為同產何姊獨得父母之財而兒無其分耶姊曰父臨亡舉家產付我汝所得者緇衣冠各一繩鞋一兩紙一卷而已父契具存胡可違也訟之積年未決公召二人至前問曰若父歿時母安在曰先歿若等於時年各幾何曰姊有家矣弟鬻齒耳公因諭之曰父母之心於兒女均也夫豈厚於長年有家之女而薄於無母鬻齒之兒耶顧兒之所賴者姊也若遺財與姊等恐其愛之或不至養之或不全耳兒既長則用此紙作狀服緇冠衣履繩鞋以告於官將

有能辨之者其獨遺四物者意蓋如此二人者
聞而感悟相對而泣公遂中分而與之

晉陽公孳子禪師名萬全住珍島郡之一寺其
徒橫恣靡所不為而號通知者尤甚金英憲之
欲為全羅道按察使其所請謁皆抑而不行公
嘗至其寺全慢罵而不之見公直入升堂堂上
有樂器乃操琴數弄橫笛而吹之音節悲壯全
欣然出曰適有微疾不知公至此相與歡飲盡
日因托以十餘事公即其座中一切聽行之留
數事曰此則當至行營乃可為耳宜遣通知相

假公歸數日、通知果至、公命吏縛之、數其不法、投之江中、晉陽公卒、萬全嗣東政、即晉平公沆也、雖挾前憾、以公廉謹、少過莫能害之、俞文度千遇有弟名甫、欲去權臣金仁俊、告公其謀、公不應、既而事未發而敗、仁俊問公知之、公曰、知之、仕俊曰、知而不言、明其預謀也、公曰、非不知、告以自免、恐傷老母之心、仁俊曰、昔者饗于吾弟之家、有紅柿座、客皆稱其美、公獨不餐、問其故、曰、將以遺母、吾固知公之愛母也、乃不坐之、

柳文正徵四堂之衡取人先器識而後文之工拙所得皆知名士位宰相者比肩俞贊成千遇嘗同知貢舉性喜自用程文有微疵必欲擯之公不與之較擄出皆老於場屋者也其後少至達官

南賊李家黨者始則嘯聚山林剽掠村堡及其徒漸盛傳檄州郡引兵隨其後官吏或迎而犒之邀而避之無敢遏其勢者金樞密慶孫為巡問使入羅州明日賊至公令民閉城門自守障於城外張蓋據胡牀以待賊有一僧勇悍絕人

與其衆約曰我能擒彼義少年肩擔以歸先打
斤斗吹胥踴躍而至咸陽人赴臣獲出與相敵
兩刃相交莫能先所扑踢而躡之因斬其首賊
驚愕官軍乘之追奔數十里遂平之

韋得儒盧進義與韓希愈爭功相讎訴于元帥
金首相方慶公不直韋盧二人嗾之誣告公與
希愈謀舉人事達魯花赤忻豆械繫公以聞洪
茶丘以帝命請慶陵同臨訊鞠公曰小國戴上
國如天愛之如親豈有背天逆親自取滅亡之
禍者哉茶丘必欲服之加以慘毒身無完肌絕

而蘇者屢矣。慶陵不忍視語之曰：卿雖自首天
子仁聖，將明其情，偽而不置於死，何至自苦如
此？公曰：臣起自行伍，致位宰相，肝腦塗地，不足
以報國。豈愛身誣服，以負社稷？顧謂秦丘曰：欲
殺便殺，我不以不義屈。有詔，公及章、廬俱詣京
師，得儒古欄而死於路。進義至都，亦病死。人以
為天誅。

洪忠正子藩，為亞相。每論事，必與首相許文敬
洪爭衡。文敬或僂俛從之。嘗閱兩制所撰詞疏，
忠正指摘數類，久而不已。吏啓事數輩伏于前。

以埃文敬謂文貼錄事曰猶能捕鼠足矣蓋譏
忠正文筆非其任也忠正作色而止故人謂兩
公不相能也及文散之亡忠正歎曰公謹正直
知無不言世豈復有許公哉忠正既為首相趙
公仁規為亞相廉公承益次之廉公以方術得
幸於兩宮常居禁中稀至都堂一日忠正先起
趙謂廉曰國人稱洪公曰真宰相名我老譚名
公老况我等不預真宰相之目唯可勤於朝衙
夕直而已廉公即日自免

崔大寧有滄大德末王惟紹等以廢嫡之謀惑

慶陵將奏之天子請以瑞興侯為嗣公進曰殿下獨不念景靈殿乎太祖及親廟其真容實在於是殿下嘗修其祀事矣萬有一瑞興侯得立千歲之後將追王其祖禰二侯以附則高王元王不容不遷矣高王元王臣皆身及事之今老矣不忍負慶陵慘然動容者久之惟紹等始知自懼矣

林衍擅廢立處元王西宮且聞世子東歸遣兵待于鴨綠將脅之義州人丁五甫夜渡江告變世子還朝以聞天子遣使責之曰聞汝羣臣不

請朝廷擅行廢立恒古以來寧有是事因詔王復位入朝行憂懼疾疽死王既入朝帝命禿輦哥將數千騎衛王及世子至松京行子惟茂擁兵江都將以拒命洪南陽奎以惟茂妹壻為中丞惟茂倚為腹心王遣李份成見洪公諭之曰卿累葉衣冠之後當揆義度勢以利杜稷無忝祖父可矣公再拜謂李曰明日而今待我府門外是日謀於宋上將松禮宋之二子炎及份俱為衛士長相與麾軍進攻惟茂第惟茂問誰為變者曰洪中丞也惟茂膽落李及期而往惟茂

已誅矣

惟茂既誅而三別抄

權臣募驍勇之士養以自衛曰神義軍曰馬別抄曰

夜別抄

所自懷疑貳脅士庶掠婦女方舟南下

城珍島以叛立承化侯溫為王署置官府鄭文

鑑者李文真藏用門下榜眼也舉為承宣仍使

秉政文鑑曰與其富貴於偽朝無寧潔身於泉

下即自殺

玄文赫少以善騎射為三別抄首領率妻子乘

小舟遁以自歸賊追及之射貫其臂仆於舟中

妻曰義不為鼠輩所辱携其女蹈水而死玄公

與子僅免

朱文節悅貌醜鼻如爛橘安平公主始至宴群臣殿上公起而為壽公主謂王曰何遽令老醜鬼近前耶王曰貌醜如鬼心清如水主改容禮之

許文敬少時常率一僕掩骼埋胔殆無虛日見棄屍自負以瘞之其額面盥手只用勺手既貴亦如之

洪文正每夕沐浴具冠帶以拜天星雖朝騁行役緩急之際未嘗廢也

薛文景公儉、廉、謹、好禮、朝官六品以上、其有父母之喪、必素服往吊、鄉黨後生來謁、亦具衣冠下階迎之、嘗卧疾、蔡中菴洪哲入內寢、眡布被弊席、蕭然若僧居、出而歎曰、自吾輩而望公、所謂壤虫之與黃鶴也。

國家伐叛耽羅、問罪東倭、丁亥之勤王、庚寅之禦寇、用兵幾二十年、士皆雜金革、操弓戈、挾策而讀書者、十不能一二、而先輩老儒、物故且盡、六籍之傳、不絕如綫、大德末、安文成珣為宰相、葺國學、修庠序、舉李晟、秋適、崔元冲等、一經置

兩教授令禁學內侍五軍三官七品以下以至
內外生員皆從而聽習又聞故郎中俞咸子為
僧者居泗州能讀史漢驛召至京而遣尹莘傑
金承印徐誼金元軾朴理等受其說於是縫掖
薦紳之徒多以通經博古為事其後白彝齋顧
正從德陵留都下十年多求程朱性理之書以
歸我外舅政丞菊齋權公得四書集註鏤板以
廣其傳學者又知有道學矣

嘗見神孝寺堂頭正文年八十善說語孟詩書
自言學於儒者安社俊昔一士人入宋聞荆公

退處金陵往從之受毛詩七傳而至杜俊故詩則專用王氏義語孟及書所說皆與朱子章句蔡氏傳合當是時二書未至東方不知杜俊何從得其義

安密直戲為承旨忠烈王欲以叅官授一內官公執不可一日面諭公曰此人服勤左右歲月已久卿強為予與六品且命書之於前公不得已擬以卽將既而伏地請曰臣以不才昵侍帷幄題品銓注豈臣庸愚所宜當之乞擇賢者代掌斯任其言甚切王領之王起入內公隨其後

跪曰願有復也。臣明當見代其內豎。叅官之命乞留之以須後日。王趾已逾閭。顧而厲聲曰。可。左右皆懼。公徐入座曰。殿下許臣矣。遂削去之。崔密直守璜事佛甚篤。以承旨同知貢舉宴賀。客不肉而素。王旨副監林貞化遺以白粲一舟。不受。林慚怒。即以米升賤播貴。得代公為承旨。時人鄙之。

有巨室認民為隸。民訴于典法司。知司事金椿與同寮知其寃。而怵於勢。斷與巨室人夢利。刁自天而下。亂研一司之吏。夢之明日。金發背疽。

而死未踰月其同僚盡死唯一人不死不預其

議者也

軾密諭尚書也

鈍村金相照守金海密城人殺其宰叛按廉使

李叔真在甘露寺公急邀至城中密人夜搜之

不獲而歸號改國兵馬使移牒郡縣多隨風而

靡公請召慶州判嚴守安至則相與勒兵挾叔

真為討賊之計叔真恒怯喚日者僧問時與方

故為遷延公手劍擊其僧鐵面走叔真懼而從

之賊問之自斬渠魁以降

乃相之黨哈丹漏網東走侵我封疆其衆數萬

殺人為糧得婦女娶麀而脯之國家遣萬戶鄭
瑛禦之於鐵嶺哈丹未至而守瑛遁歸鐵嶺
道險狹纔通一人過哈丹下馬魚貫而登得守
瑛所棄資糧大饗數日鼓行而前原州守將與
衆計曰力不敵吾不如且降以紓民死邑人進
士元冲甲獨以為不可坐甲城門外賊遣一僧
牒以誘降之意冲甲斬僧擲首賊至冲甲格
殺數人州兵亦出判興元倉曹慎接捧以鼓矢
貫其右肱鼓音不衰賊之前行小北後者驚擾
自相輔轢州兵乘高崩之聲震山嶽僵屍滿谷

遂以大克

哈丹之子老的引軍踰竹田以趨平壤羅萬戶裕禦之將捨舟而陸玄文赫止之曰彼其原隰回牙恐有伏也羅公不聽未成列賊大至羅公麾軍而退僅得登舟而即將李茂與軍士數十人不及玄公立舟上呼曰茂勉之能立奇功國有賞孰與委身逆虜妻子為俘乎茂與數十人者走獨山賊將輕之下馬坐胡牀分其衆環山而登飛矢如雨茂偃樹立日晚飢甚探囊中乾糒握而啗之且謂軍士曰男兒當死中求生毋

恐關弓左射正中賊將喉應弦而倒賊衆自亂
茂等大呼追擊斬馘無算

庚癸之後宰相多武人李義旼與杜景升同坐
中書李誇於杜曰某人自矜勇力吾一擊仆之
如此因用拳撞柱攘搥皆動杜荅曰某時之事
吾以空拳奮擊衆皆奔潰亦撞之拳陷於壁時
人為詩曰吾畏李與杜屹然真宰輔黃閣三四
年拳風一萬古

李侍中延壽當國高王將行釋氏延壽神王道
場勅下都堂支其費堂吏私計曰但可稱神王

道場不犯侍中名耳及公問道場之名吏忘其
前計遽曰李延壽神王道場公曰道場亦有姓
乎慶陵時以洪萱為司徒閔贊成萱問錄事陸
希贇新司徒之名何字希贇老於刀筆進退應
對自以為能至是對曰閔萱之萱也聞者笑之
齒冷

元文純傳嘗退食燕居門生四五人來謁命之
坐與語曰予濫首鈞衡才不逮志物論以為何
如皆莫敢言方學士于宣在下座對曰人謂公
之為政如公之姓公大笑曰吾法吾姓輪至于

此汝法汝姓將至何地

崔司空鼎與河千旦李淳牧同在詔院河李俱有文名公倚其閥閱待之甚輕彼亦不為之屈有勅撰進答隣國徵詰書公當秉筆搔首苦吟未得其意擲筆罵曰此鄉曲布衣之輩所以自負者耶

朴尚書榆常言東方屬木木之生數三而成數八也畸者陽也偶者陰也吾邦之人男寡而女衆理則然也國家之法雖違官亦不敢有二家以故婦女往往有垂白而未醮者衣冠之後不

絕如縷、兵民戶口日就凋喪、職此而已、乃上劄
子、乞令臣寮皆蓄姬侍、隨品位降殺其數、至於
庶人得娶一妻一妾、定為恒制、銷怨曠阜、民物
之道也、於是婦人無貴賤咸怒、且懼、會觀燈之
日、朴公扈法駕、綴班而行、有老嫗識之、曰、請畜
姬妾者、彼老乞兒也、聞者傳相指之、巷陌之間
紅指如束、

雪齋鄭中贊可臣掌成均試、試民不見史、詩有
老聶生得句云、犬默花村月、蹄閑柳驛塵、餘文
粗有可採、公置之下等、既放榜宴、賀客見此生

憫其老欲慰籍之改犬默字誇於客曰厖睡花
村月蹄閑柳驛塵是此生句也客未對生僂然
而進曰吾所云者犬默也

孔尚書文伯嗜酒所居里有呂克諧者敬其老
每邀至其家餽之以美酒孔喜面譽曰此郎年
少觀其容止聽其言論他日必至宰相其後克
諧迫於世故經月未遑相請孔遇之塗曰宰相
之命自有延促不可不知也

俗語以詭衆自負者為聖者人謂壯元及第不
為聖者之為者唯郭公預而已或曰郭公為翰

林日每遇雨必跣足持傘獨至龍化院崇教寺
池上以賞蓮花豈非聖者乎故公詩云賞蓮三
度到三池翠蓋紅粧似舊時唯有看花玉堂客
風情未減鬢如絲

露堂秋先生適自安東書記還體甚肥臆遇吾
季父秋即公戲曰李少年鬚髯輒張季父應聲
曰秋司錄腰腹空大時以為名對

露堂性豁達無檢老而能飯常言享客但軟炊
白粒割鮮作羹可矣雖費百金致八珍過吻則
一也為龍州守所善王輪仁照師乘傳北上入

其境問郵吏曰汝州使君為誰吏對曰秋侍郎也師曰吏乎儒乎曰常以筆硯自隨或獨坐吟嘯似是儒者師曰聞達之士孰有姓秋者乎宜乎余之不相識也既而曰日之將午巨鉢香稻之飯深碗軟肉之羹舉案而進之前汝使君將如何吏即跪曰師欺我耳必深知使君者也

崔尚書元中學士雍之子也始登第為九齋教導嚴擯楚之法毫髮不相貸生徒怨之目曰秦始皇謂其酷刑也既而入翰院頗以才氣凌人同院李叔琪佯怒曰汝何物人自負如此我若

一言汝將何以立於世耶、汝果自謂崔學士之
兒耶、崔悌然曰、妄辱人以及父母、汝其不畏國
法耶、欲以我為誰氏子乎、李徐曰、吾謂汝是呂
不韋之子耳、崔俯首胡盧而已、

鄭通者、草溪人也、任羅州書記、愛官妓小梅香、
至生一兒、見代如京、惘然行迷其所、之言忘其
所欲、道至所親家、有僧騎善馬亦至、坐未定、先
出竊其馬走羅州、三日而至、以夜到妓家、妓與
母挑燈坐語、喟然嘆曰、記室公今日安在、通即
排戶入、泣且曰、我在此留數日、知其不可以久

處也以馬載妓自負兒相隨北來其妻既失良
人又不堪桂玉之憂率婢僕將往故鄉道見一
婦人乘馬負兒漢在後婢曰彼來者似是我公
妻曰乃公雖病風何至是我漸近而視之則果
通也妻曰咄老子胡為其然耶通仰視却立曰
我如此遊戲爾

金奉翊汝孟性懦因避病暫寓里舍其隣人
有獄句吏跡至金公所寓見金公坐室中語之
不應詰之又不應吏怒曰爾所居之陋若此尊
卑亦可見人語汝不對汝欲就獄自辨耶猝胡

曳至於道婢自他所來見之逆知其然謂吏曰
吾公金平章之子金樞密之壻官又三品今朝
官醫合君臣藥令服戒以勿言故不言爾汝何
辱之若是吏釋之拜謝而去

洪奉翊順忠正公子也常與李尚書淳對碁李
輸骨董書畫殆盡以所寶有鶴琴為孤注洪賭
得之李取其琴以與曰此琴吾家青氈也相傳
幾二百年物既久頗有神公謹藏之李特以洪
性多畏忌為之戲耳一日夜極寒琴絃凍絕瑣
然而響忽念有神之語急炷燈用桃筴亂擊琴

遭擊愈響則愈感嘆。婢僕相守至黎明使僕延
壽者持琴送李氏。李怪其早來。又見琴有亂擊
之痕。給曰。吾父患此琴。屢欲破棄。又恐見祟。幸
付於公。何以還為。拒不納。洪大窘。舉前所賭書
畫骨董輩隨琴悉送與之。李為不得已而受焉。
洪不悟。自以還琴為幸。

金文英恂為趙文良簡牒第一人。文良既老。瘡
疔肩項。幾不辨。眾醫拱手。僧有妙圓者曰。此疽
根於骨。骨當半朽。不刮去不理。唯恐不能忍之
也。文良曰。死等耳。第試之。乃以利刃割肉。骨果

剗之傳以藥文良絕而瞋者二日、文英聞而
往問坐門涕泣不能自已、文良忽張目使人語
之曰、不謂公之憫我如此、豈心於喜而色於悲
耶、文英曰、烏是何言、四紀同年之契、其可忽諸、
文良曰、我死榜中無先公者、文英收涕笑曰、老
三不死矣、乃歸、

金剛寺瑞廷志尚奇古、自號愚溪、其姊崔贊成
夫人使人請欲往、而無馬、抵者適以牛至、遂鞍
轡而騎之、隨而觀者如市、君不恤也、

崔拙翁瀝使酒佯狂、嘗過廣明寺、僧徒見其來、

皆邀翁戲為禪語題其壁云居士一日因送客
過廣明寺入一寮寮主踰牆而走唯侍者在居
士踢侍者三下者無語後有人舉似空巖巖曰
我若是侍者當時便沽酒呈居士看

櫟翁禪說集

卷之十一

七

七

一、

二、

三、

四、

五、

六、

七、

八、

九、

十、

櫟翁稗說後一

客謂櫟翁曰子之前所錄述祖宗世系之遠名公卿言行頗亦載其間而乃以滑稽之語終焉後所錄其出入經史者無幾餘皆雕篆章句而已何其無特操耶豈端士壯夫所宜為也答曰坎坎擊鼓列於風屢舞婆娑編乎雅剡此錄也本以驅除閑悶信筆而為之者何怪夫其有戲論也夫子以博奕者為賢於無所用心雕篆章句比諸博奕不猶愈乎且不如是不名為稗說地伸思序

金密直未用謂予曰左氏傳爾貢包茅不入無
以縮酒縮者何義予曰杜元凱註云束茅而以
酒灌之也金公因言昔在靈光郡綴茅壓酒酒
極清過於絢縮帟所壓者予令家人試之果然
按禮記郊特牲縮酌用茅鄭氏曰沛之用茅縮
去滓也此說比杜註加詳世之壓酒皆以絢縮
不以茅者何耶豈以其享神者不可用於人耶
坡詩壓茅崇
豈此類耶

皇慶初德陵在輦下有獻詩者用支韻押差字
文士爭和進皆押差差唯二人獨異一云差差

用韓公鋒刃白差差也一云玉差謂宋玉景差也世所行宋本押韻書上平支韻差字下注云景差人名故取以為證李學士顥曰宋本押韻踈略不足據也後見前漢古今人表景差作徒何反

汲冢書多與六經不合舜禹文王皆被以大惡之名此其尤可駭者也愚意如曹瞞者自知惡稔以為當世無足畏所可畏者後世之公論也於是誣大聖欲分其謗穴地瘞書異萬一之發掘以欺後世者耳世之儒者徒見漆簡字畫之

古從而信之其亦過矣

延祐丙辰予奉使祠我眉山道趙魏周秦之地
抵岐山之南踰大散關過褒城驛登棧道入劔
門以至成都又舟行七日方到所謂我眉山者
因記李謫仙蜀道難西當太白有鳥道可以橫
絕峨眉巔之句太白在咸陽西南峨眉則在城
都東北可謂懸隔然而自咸陽數千里至成都
或東或西不一其行又自成都東行北轉六百
餘里然後至峨眉雖山川道路之迂度其勢二
山不甚相遠人跡固不相及鳥道則可以橫絕

云且白樂天長恨歌云黃塵散漫風蕭索雲橫
縈紆登劍閣我眉山下少人行旌旗無光日色
薄此言明皇幸成都時所歷也如其所云我眉
當在劍門成都之間而今乃不然後得詩話摠
龜見古人已有此論蓋樂天未嘗到蜀中也
至治癸亥予將如臨洮道過乾州唐武后墓在
皇華驛西此俗謂之阿婆陵予留詩一篇其序
云歐陽永叔列武后唐紀之中蓋襲遷固之誤
而益失之呂氏雖制天下猶名嬰兒以亦有漢
若武后則抑李崇武華唐稱周立宗社定年號

凶逆至矣當舉正之以示萬世而反要之乎謂
之唐紀而書周年可乎或曰紀事者必表年以
首事所以使條綱不紊也如子之說中宗既廢
之後將闕其年而不書天下之事將安所繫乎
曰曾昭公為李氏逐居乾侯春秋未嘗不書昭
公之年房陵之廢與此奚異作史而不法春秋
吾不知其可也其詩略曰歐公信名儒筆削未
免失那將周餘分黷我唐日月後閱晦庵感遇
詩如何歐陽子秉筆述至公之一篇拊卷自嘆
孰謂後生陋學其議論有不謬於朱子耶龍鑑

亦自其見之不變也

荀子每以子弓者配夫子曰仲尼子弓唐楊倞
曰子弓仲弓也言子者著其為師也子按荀卿
後於孟子仲弓先於子思孟子不及子思而受
業於其門人荀卿安得師事於仲弓乎然則子
弓者當亦有一人焉子弓之功德不傳於世果
可配於夫子歟就其弟子性惡之一說淵源可
見矣况再傳而為焚坑之李斯乎
乾之九三獨不言龍何也三分六爻以配三才
初與二地也三與四人也五與上天也已離于

淵未登于天則龍之神變不測者亡矣故九三
直以人事言之不取象於龍也進於九四近于
天矣足以神其變化故云或躍在淵九二之在
田豈非離于淵乎曰田水上也謂其遊行之地
也亦猶雲氣飛鳥往來者謂之天衢也

坤上六龍戰于野其血玄黃說者曰陰陽俱傷
也竊謂龍也者非陽也陰而自疑於為陽者也
陰之既盛自疑於陽故云其血玄黃也聖人方
以陰之敵陽誠其必傷何遽言陽之傷也牝馬
之象可以盡坤之柔順利貞乎作易者就人之

所易知者為之象耳將謂龍之神化不測亦足以配乾乎

檀弓曰孔氏之不喪出母自子思始子思之言曰若為伋也妻者是為白也母此蓋繼母之出者耳非所生之母也柳子厚南岳碑云由迦葉至師子二十四世而離離而為達摩由達摩至忍五世而益離離而為秀為能按傳燈錄師子傳婆舍斯多婆舍斯多傳不如密多不如密多傳般若多羅般若多羅傳菩提達摩何得云至師子而離離而為達摩哉有達摩達者師子之傍出也柳子蓋以達

摩達為菩提達摩也

北原興法寺碑我太祖親製其文而崔光胤集
唐太宗皇帝書模刻于石辭義雄深偉麗如玄
圭赤舄揖讓廊廟而字大小真行相間鸞漂鳳
泊氣吞象外真天下之寶也

靖國安和寺有石刻睿王唐律四韻詩一篇其
後云太子某書者仁王諱也是時王與太子皆
礪精嚮學延訪儒雅而尹瓘吳延寵李頴李預
朴浩金緣金富侑富軾富儀洪灌印份權適尹
彥頤李之氏崔惟清鄭知常郭東珣林完胡宗

旦名臣賢士布列朝著討論潤色亶亶有中華
之風後世莫及焉

明王手寫前漢紀志表傳九十九篇題目曩於
柳尚書仁脩宅見之萬機之餘存心於典籍而
筆札之妙不減古人嗟歎之不足因記楊廷秀
觀德壽宮所書前漢列傳贊詩云小臣濫巾縫
掖行手抄孝經未輟章何曾把筆望史漢再拜
伏讀汗透裳可謂能言人腹中事矣

古人之詩目前寫景意在言外言可盡而味不
盡若陶彭澤採菊東籬下悠然見南山陳簡齋

開門知有雨、老樹半身濕之類是也。予獨愛池
塘生春草、以為有不傳之妙。昔嘗客于餘杭、人
有種蘭盆中、以相惠者、置之几案之上、方其應
對賓客、酬酢事物、未覺其有香焉。夜久靜坐、明
月在牖、國香觸乎鼻、觀清遠可愛、而不可形於
言也。予欣然獨語曰：惠連春草之句也。

杜少陵有地偏江動、蜀天遠樹浮秦之句。予曾
游秦蜀、蜀地西高東卑、江水出岷山、徑城都南、
東走三峽、波光山影、蕩搖上下。秦中千里地平
如掌、由長安城南以望、三面綠樹童童、其下野

色接天若浮在巨浸然方知此句少陵為秦蜀
傳神而妙處正在阿堵中也

四更山吐月殘夜水明樓塵匣元開鏡風簾自
上鉤崔拙翁瀼言人謂後二句皆言月非也塵
匣元開鏡以言水明樓耳如夔府詠懷詩峽束
蒼江起巖排古樹圓拂雲埋楚氣朝海蹴吳天
拂雲言古樹朝海言蒼江亦詩家一格也

戲題韋偃畫松詩未見有戲之之語姑蘇朱德
潤妙於丹青謂予言允畫松栢作輪囷礪礪則
差易而昂霄聳壑之狀最為難工此詩後四句

我有一匹好東絹重之不減錦繡段已今拂拭

光凌亂請君放筆為直幹乃所以戲僊也

薛司成文遇言李太白清平詞一技仙艷露凝
香雲雨巫山狂斷腸耳問漢宮誰得似可憐飛
鷺倚新粧倚者賴也謂趙充專寵漢宮只賴脂
粉耳可憐者向之之辭也

劉賓客金陵懷古云潮滿冶城渚月斜征虜亭

蔡州新草綠幕府舊烟青興廢由人事山川空

地形後庭花一曲哀怨不堪聽此所謂四人探

驪夢得得珠者耶

詩話以王濟樓下蓋一篇為夢得得珠者

夢得金陵五題山園故國周遭在潮打空城寂
寞回淮水東邊舊時月夜深還過女牆來朱雀
橋邊野草花烏衣巷口夕陽斜舊時王謝堂前
燕飛入尋常百姓家生公說法鬼神聽身後空
堂夜不扃視座寂寥塵漠漠一方明月可中庭
三篇皆作也白樂天獨愛潮打空城寂寞回
掉頭告吟曰吾知後之詞人不復措辭矣東坡
嘗書第三篇人間何不道明月滿中庭坡笑而
不答古人於詩所取者如此退之子厚之文古
今以為勅敵韓柳俱有論文書復讐議送文暢

序及韓之巧者王承樞傳柳之梓人傳韓之書
張中丞傳後柳之睢陽廟碑韓之平淮西碑柳
之平淮夷雅之輩以類相從編為一書反覆而
觀之尤可喜也

屈原有天問子厚隨而答之曰天對俱險澁難
讀吾家有朱晦菴註讀之所謂渙然水釋怡然
理順者也近於閔學士相義家見楊誠齋亦有
此註尤令人易曉有能將兩先生及王逸三家
之說纂為集解亦學者之一幸也

歐陽永叔自矜曰吾之廬山高今人不能作太

白能之吾之明妃後篇太白不能作子美能之
前篇子美不能作我則能之此後之好事者見
廬山高音郎類太白明妃後篇類子美故妄為
之說耳蘇老泉有上歐公書云云之文非孟子
韓子之文歐陽子之文也雖詩亦然使李杜作
歐公之詩未必似之歐公而作李杜之詩如優
孟抵掌談笑便可謂真孫敖也耶荆公詩童蒙
輩所習宋賢集中十許首皆妙絕如日西階影
轉梧桐簾捲青山簾半空南澗夕陽烟自起西
山漠漠有無中東江木落水分洪睡鴨殘蘆掩

霽中歸去北人多憶此。每家圖畫上。屏風水光
山氣碧。浮浮落日將還。又小留。從此定應長入
夢。夢中還與故人遊。金爐香盡。漏聲殘。剪剪輕
風陣陣寒。春色惱人眠不得。月移花影上欄干。
落帆江口月黃昏。小店無燈欲閉門。半出岸沙
楓欲死。繫舟唯有去年痕。我與丹青兩幻身。世
間流轉會成塵。但知此物非他物。莫問今人猶
昔人。垂楊一徑紫苔封。人語蕭蕭院落中。唯有
杏花如喚客。倚牆斜日數枝紅。溪水清連樹老
蒼。行穿溪水踏春陽。溪深樹密無人處。只有幽

花渡水香。一字一句如明珠走盤宛轉可愛元
澤云水邊山暎碧紗窓松下圖書滿石牀外客
不來春正靜花間啼鳥送斜陽真得其家法矣
巫山高白月如日明房櫳李壁註曰白月言珠
也劉須溪批云不必珠自佳壁之俗氣便不可
掩

有僧問東坡戲題吳江三賢詩其戲之者何意
予曰以其不戒三業耳僧曰何謂也范蠡得西
施身業也張翰為鱸魚口業也龜蒙欺人取財
意業也僧大笑

戲題李公擇白石山房詩云偶尋流水上崔嵬
五老蒼顏一笑開若見謫仙煩寄語匡山頭白
早歸來若謂坡煩五老寄語於李失之矣昔以
問崔拙翁翁三復下句擬議未對予喝之曰高
著眼翁便會相與大噱

陳簡齋贈相師云鼠目向來吾自了龜腸從與
世相違辭來却欲憑師問黃葉漫山錫杖飛句
法之工如此東坡云火色上騰雖有數急流勇
退豈無人又豪宕可人

先君閑山公集因言昔在江都有先達李湛者

與僻同為詩詞嚴而意新用事險僻與當時
所尚肯馳故卒不顯蓋學涪翁而酷似之者也
由是觀之苦心之士不遇青雲知己沒齒而無
聞如李先達者幾何可不惜哉

櫟翁稗說後集一

標翁稗說後集二

鄭司諫知常詩云、雨歇長堤草色多、送君南浦
動悲歌、大同江水何時盡、別淚年年添作波、燕
南梁載嘗寫此詩作別淚年年漲、綠波予謂作
漲二字皆未圓、當是添綠波耳、鄭又有地應碧
落不多遠、人與白雲相對閑、浮雲流水客到寺、
紅葉蒼苔僧閉門、綠楊開戶八九屋、明月倚樓
三四人、上磨星斗屋三角、半出虛空樓一間、石
頭松老一片月、天末雲低下點山等句、是家喜
用此律、

金尚書

華尹

毅廟庚寅重九日有詩云輦下風

塵起殺人如亂麻良辰不可負白酒泛黃花可見當時之事不可奈何而此老曾中亦磊落不凡

吳大祝世

才

諷毅廟微行詩云胡乃日清明黑

雲低地橫都人且莫近龍向此中行用人韻賦
戟巖云城北石巉巖邦人號戟巖迥捲乘鶴晉
高刺上天咸揉柄電為火洗鋒霜是鹽何當作
兵器亡楚却存兀病目云老與病相期窮年一
布衣玄花多掩翳紫石少光輝怯照燈前字羞

看雪後睥待看金榜罷閉目學忘機李文順公
率謂先生為詩學韓杜然其詩不多見金居
士集中載其一篇有曰六百圍材無用用長三
尺喙不言言亦老健可尚

宋時上元日內出御詩宰相兩制三館皆應製
以為盛事王岐公云雙鳳雲間扶輦下六鰲海
上駕山來最為典麗我朝燈夕文機障子詩李
文順公云三呼萬歲神山湧一熟千年海果來
可與岐公並驅爭先矣今醴泉權一齋漢功云
南山釀瑞生銀瓮斗回酌酌玉杯羯鼓百技

春浩蕩鳳燈千樹月低徊白評理元恒亦云九
霄月滿笙簫地一夜春開錦繡山自言不及攴
詩遠矣

東坡題韓幹十四馬云韓生畫馬真是馬蘇子
作詩如見畫世無伯樂亦無韓此詩此畫誰當
看李文順公題鸞鶴圖云畫難人人畜詩可處
處布見詩如見畫亦是傳萬古語雖不侔其用
意同也

洪揔郎保最喜鄭承宣襲明毅百花叢裡淡丰
容忽被狂風減却紅獼髓未能醫玉頰五陵公

子恨無窮豈以其含咀之久而有餘味乎近世
豐州有名妓四京存問使召置府籍妓頗以晚
遇為恨李學士顥作詩令妓歌之憶昔正年三
五時金釵兩鬢綠雲垂自憐憔悴容華減來作
紅蓮幕裏兒比之鄭詩未必多讓

張章簡鑑昇平燕子樓詩云風月淒涼燕子樓
即官一去夢悠悠當時座客何嫌老樓上佳人
亦白頭郭密直預壽康宮逸鵲詩云夏涼冬暖
飼鮮肥何事穿雲去不歸海燕不曾資一粒年
年還傍畫樑飛李動安承休雲詩云一片忽

從泥上生東西南北便縱橫謂成霖雨蘇群搞
空掩中天日月明鄭密直允直贈廉使云凌晨
走馬入孤城籬落無人否子成布穀不知王事
急傍林終日勸春耕令人喜稱之然章簡感舊
而作無他義三篇皆含諷諭鄭郭微而婉
洪平甫每出一篇人無賢愚皆喜傳之語不
云乎鄉人皆好之未可也皆惡之未可也不如
其善者好之其不善者惡之也為詩文亦奚以
異於是乎古人云詩可以喧萬古不可以得首
肯可以驚四筵不可以適獨坐真名言也

月簷長老山立為詩多點化古人語如云南來
水谷還思母北到松京更憶君七驛兩江驢子
小却嫌行李不如雲即荆公將母邦溝上留家
白亭陰月明聞杜宇南北兩關心也白岳山前
柳安和寺裏栽春風多事在裊裊又吹來即楊
巨源陌頭楊柳綠烟絲立馬煩君折一枝唯有
春風最相惜慙慙更向手中吹也
金末詩人楊飛卿題紅樹云海霞不雨棲林表
野燒無風到樹頭李文真公歲用亦云廢院瞞
野秋思苦淺山塘揆夕陽明飛卿老膝不得不

屈

文真有三角山文殊寺長篇詩語闌缺月入深
扉坐久微風吟簪頓深得山中之趣又一句云
鐘梵聲中一燈赤羅氏路史載人有不改家火
至五世其火色正赤如血文真用此事以言長
明燈也

朴文懿恒淺山白日能飛雨古塞黃沙忽放虹
安文成珣一鳩曉雨草連野匹馬春風花滿城
金定直珣片雲黑處何山雨芳草青時盡日風
皆佳句也但恨不見全篇耳

山人悟生黃山江樓詩落句云卧聞漁父軸轡
語走馬紅塵非我徒東坡漁父詞云江頭騎馬
是官人借我孤舟南渡坡如龍眠畫李廣奪胡
兒弓引滿不發悟生畫作射中追騎矣

之登科有詩名出家號鷲峯賦落梨花云王
龍百萬爭珠目海底陽侯拾敗鱗暗向春風花
市賣東君容易散紅塵正所謂村學中詩也全
文貞也亦有之飛舞翩翩去却回倒吹還欲上
枝開無端一片黏絲網時見蜘蛛捕蝶來作家
手段回自不同

世言康先生日用林祭酒惟正俱工百家衣體
詩康詩未之見也林則有集刊行鴻鵠家雞之
譏有所不能免焉近世崔集均之一其集句雖
長爲險韻走筆立成觀者絕倒如白躑躅交紅
躑躅黃薔薇對紫薔薇閨雞場裏看雞閨歸鴈
亭前送鴈歸水色青紅虹未斷雲容黑白雨初
收藥圃蛞蝓涎拖葉濕栗林蟬蛻抱枝乾對偶親
切假使自爲未必過之

林西河椿聞鷺詩云田家槌熟麥將稠綠樹初
聞黃栗留似識洛陽花下客殷懃百轉未能休

崔文清公滋夜直聞採真峯鶴唳詩云雲掃長
空月正明松巢宿鶴不勝清滿山猿鳥知音少
獨刷踈翎半夜鳴二詩俱是不遇感傷之作然
文清氣節慷慨非林之比

陳正言華詠柳云鳳城西畔萬條金勾引春愁
作暝陰無限光風吹不斷惹烟和雨到秋深情
致流麗然唐李商隱柳詩云曾共春風拂舞筵
樂遊晴苑斷腸天如何肯到清秋節已帶斜陽
更帶蟬陳蓋擬此而作山谷有言隨人作計終
後人自成一家乃逼真信哉

古人多有詠史之作若易曉而易厭則直述其
事而無新意者也常愛杜牧赤壁云折戟沉沙
半未銷試將磨洗認前朝東風不借周郎便銅
雀春深鎖二喬烏江亭云勝敗兵家事未期包
羞忍耻是男兒江東子弟多才俊卷土重來未
可知雲夢澤云日旗龍旆想悠揚一索功高縛
楚王直使飄然五湖去未如終始郭汾陽桃花
夫人廟云細腰宮裏露挑新脉脉無言度幾春
畢竟息亡緣底事可憐金谷墮樓人唐彥謙仲
山云千古孤墳寄薜蘿沛中鄉里漢山河長陵

亦是關丘壘此日誰知與仲多張安道歌風臺
云落魄劉卽作帝歸樽前慷慨大風詩韓彭趙
醢蕭何繫更欲多求猛士為劉貢父塞上云自
古邊功緣底事多因嬖倖欲封侯不如直與黃
金印惜取沙塲萬觸體王介甫張良詩云漢業
存亡俯仰中留侯於此每從容固陵始議韓彭
地複道方圖雍齒封韓信詩云貧賤侵陵富貴
驕功名無復在藹蕘將軍北面師降虜此事入
間久寂寥禪家所謂活弄語也李銀臺李文順
詠史數十篇要之與胡曾伯仲之間耳

後周使雙冀來聘光廟表請留之罷待優渥崔
中令承老有疏略曰雖慕華之風未取華之令
典雖用華之士未得華之高才蓋為冀發也
周行胡宗旦皆閩人顯王時與北朝往復文字
多行所撰宗旦有上仁王書博洽若不及行而
楚楚自喜又聰敏無通雜藝故壓勝之譽至今
莫有能辨者

金侍中仁存清讌閣記載於宋徐兢高麗圖經
藹然有德者之言也金文烈慧陰院歸信覺華
諸寺碑崔文肅玉龍寺碑不為表襮自成一家

金樞密富韓文殊院記金壯元君儒松廣社碑

亦可喜惜乎其有繁辭也尹政堂彥順有禪學
其作雲門圓應國師碑深造理窟鄭司諫知常
喜莊老為東山真靜先生碑飄飄有烟霞之想
遼人欲過鴨江為界朴寅亮叅政修陳情表曰
普天之下既莫非王土三臣尺地之餘何必曰
我疆我理又曰歸汶陽之舊由撫綏弊邑廻長
沙之拙袖抃舞昌辰遼帝覽之寢其議荊公嘗
有一句云功謝曹隨恩慚隗始或問郭隗事有
恩字否答曰退之聯句云報恩慚隗始或者乃

服朴公尺地之餘何必曰我疆我理豈亦別有
來處乎

劉蕡不第我輩登科則有雍齒且侯吾屬無患
我見魏徵殊嫵媚則有人言盧杞是姦邪文未
嘗無對也然而用之失實亦奚足尚哉林宗庇
投權學士迪啓云乘航歸上國北方學者莫之
先衣錦還故鄉東都主人喟然歎崔文清以為
宋西也謂之北方謬矣

世祖平阿里孛哥金文貞並賀表云赫斯怒爰
整旅揚周家黃鉞白旄爰克威允罔功剗曲沃

素衣朱纓翰林王百一學士屢稱其工世祖既
一四海登用儒雅還章文物皆復中華之舊文
貞作表得一句云天下豈馬上理乎更闡文明
之化三改其對終莫嘆予追對曰江南如囊中
物耳方騁混一之期天下豈馬上理乎更闡文
明之化取江南如囊中物耳通鑑李穀語也
唐楊嗣復率門生宴先僕射於里第座客楊汝
士詩云文章舊價留鸞掖桃李新陰在鯉庭五
代馬裔孫引門生謁座主裴皞宅裴公詩云三
主禮闈年八十門生門下見門生我國掌試者

謂之學士其門生稱之則曰恩門門生座主之
禮比古尤重學士有父母若座主在既放榜必
具公服往謁而門生綴行隨之學士拜於前門
生拜於後賓賓雖尊長皆下堂庭立俟禮畢揖
讓而升以次拜賀於是學士邀至其第奉觴稱
壽蓋用揚裴故事而禮文過之延祐庚申僕承
乏為考試官先君年七十有七夫人年七十
俱康寧今菊齋政丞權公是僕登科時知貢舉
也而同知貢舉沈軒趙公諱簡成均試官常軒
鄭公諱備三座主皆無恙於是歷謁而請之僕

於菊齋又忝東床之選、故卞國府輿伯臨人謂
科舉以來未嘗有也、尹携軒輿賀詩云一宴共
歡三座主、四觴齋壽兩家尊、讓前讓後蟬冠擁、
迎北迎南鳳蓋奔、後六年菊齋胄子政丞吉昌
君亦知貢舉、具慶之席昆仲甥壻皆高官貴戚
扶擁前後、光彩滿路、尹公又詩云盛事粧成九
街畫、義談挑盡萬家燈、無人不道人中佛、老政
丞耶小政丞、形容當時事略盡、
先君三昆季、祖母金氏性嚴親、授以書史伯父
季父不幸早世、先君獨年俯八旬、教養子姪無

言後集二
陸世業伯父之子內書舍人曰搏成均禮闈俱
占魁其弟德原牧使曰穆季父之子今僉議評
理曰舊吾家兄怡庵公及予亦皆以成均魁中
第故閤默軒賀先君詩云華萼三家五榜魁人
言皆是謫仙才知公積善真無敵獨見年年慶
席間內書無子德原之子未第唯評理之子達
中培中余之第二子達尊登科而達尊好學頗
為時輩所推許未三十物故每念嗣續之難不
覺出涕

櫟翁稗說後集二畢

拾遺

拱北樓應製詩

見輿地勝覽

省方南國日
拜表北樓初
浩蕩尊前興
縱橫筆下書
風高鴈邊渚
雲淨鶴冲虛
老矣今多病
權恩負倡予

上征東省書

見陳文選

高麗國耆老衆官謹齋沐上書于征東省諸相
國執事朝廷使臣朶赤等欽奉郊天大赦德音
前來王京我寶塔實憐王引僚吏備儀仗出迎
城外入于本署聽詔訖使臣等就執王上馬迴

去。事出倉卒。凡在陪臣。措躬無所。尚復奚言。然
念王年少。不更事。直情徑行。所以致此。原其本
意。蓋亦無他。天日照臨。胡可誣也。又念小邦始
祖王氏。開國海隅。四百二十六年。子孫相繼。二
十八世。歷宋遼金。通使往來。羈縻而已。及我大
祖聖武皇帝。龍興之際。有金山王子者。驅掠中
原之民。圖復亡遼之業。勢窮東走。陸梁島嶼。太
祖命哈真扎剌兩將帥討罪。天寒雪深。餉道不
繼。我忠憲王遣趙冲金就礪等助兵與糧。一與
破賊。於是兩國同盟。萬世子孫無忘今日。因公

所虜生口為信。今小邦有契丹塲是也。世祖文
武皇帝觀兵襄陽。阿里孛哥。翦變漠北。諸侯虞
疑。各懷去就。我忠敬王時為世子。蒙犯霜露。直
至汴梁。以迎于道。世祖卑見。驚喜曰。高麗荒遠
之邦。今我北歸。將繼太統。彼其世子。自來歸我。
天贊我也。忠敬王既當國。陪臣林惟茂父子不
喜。內屬擅廢立。阻兵江華。世子忠烈王奔告朝
廷。世祖赫怒。詔王復位。乘駟入覲。王及世子引
兵東還。擒戮逆黨。去水而陸。一心供職。忠烈王
之世。世祖兩征日本。王遣金方慶等修其戰艦。

每為先鋒。又乃顏之黨哈丹攻陷水達達女真之地。侵及我疆。欲抗天威。王出兵逆擊之。隻輪無返者。大德末。益知禮不花王左右仁宗皇帝。定亂清宮。奉迎武宗皇帝。為一等功臣。是則王氏忠於朝廷也。久矣。又念世祖皇帝鑒降忽篤剌迷思公主。是生益知禮不花王。益知禮不花王生阿納忒室利王。阿納忒室利王生寶塔實里王。寶塔實里王雖疎且遠。其於世祖實有肺腑之親焉。又念皇后奇氏生自小邦。上配至尊。誕毓元良。為天下所慶賴。朝廷之視小邦。不應

與諸蕃同焉。又念小邦與日本隔海為隣。我之
蒙福。彼則愧其歸化之遲。我之獲安。彼則甘其
執迷之陋。勢之必然者也。昔周執衛侯。而卒
令復位。漢徵梁王武。而亦使歸梁。有以見王者
之大度也。況我朝廷。自列聖以來。好生之德。萬
萬過於周漢。而今則親享南郊。尊祖配天。六禮
既成。德音廣布。外薄四海。蹈舞歡呼。苟有一物
不被其仁澤者。所宜痛心欽。惟聖天子以宥過
無大之仁。倘廻一念。使我寶塔寶皇王免離罪
罟。消涼恩波。且使王氏君臣社稷不替其名。衣

冠風俗並仍其制。山海愚民獲安舊業。則六祖
世祖勤恤小邦之意。豈不益明。世祖隆降公主
生子若孫。以繫遠方之心。其規模豈不益遠。皇
后誕毓元良。天下之慶賴。豈不益偉。小邦勤王
敵愾之志。豈不益堅。日本未服之民。革其執迷
樂於歸化。其意豈不益篤。四百二十六年二十
八世血食之鬼。豈不益感。朝廷宥過無大。好生
之德。豈不益播於天下。後世裁伏惟執事俯察
萬言。達于天聰。

上都堂書

見東國通鑑口編史者節錄
故文之上下多不備下書同

今我國王以古者元子入學之年承天子明命
紹祖宗重業而當前王顛覆之後可不小心翼翼
以敬以慎敬慎之實莫如修德修德之要莫
如嚮學今祭酒田淑蒙已名爲師更擇賢儒二
人與淑蒙講孝經語孟大學中庸以習格物致
知誠意正心之道而選衣冠子弟正直謹厚好
學愛禮者十輩爲侍學左右輔導四書既熟六
經以次講明驕奢淫佚聲色狗馬不使接于耳
目習與性成德造固覺此當務之莫急者也君
臣義同一體元首股肱不親附可乎今宰相非

宴會不相接非特召不得進此何理乎當請日
坐便殿每與宰相論議政事或可分日進對雖
無事不廢此禮不然則大臣日踈宦寺日親生
民休戚宗社安危恐莫得而上聞也政房之名
起于權臣之世非古制也當革政房歸之典理
軍簿置考功司標其功過論其才否每年六月
十二月受都目考政案用以黜陟永為恒規則
可以絕請謁之徒杜僥倖之門今若因循不復
古制深恐將來梁將祖倫朴仁壽高謙之輩蜂
起而黑冊之謗不可遏也鷹坊內聚毒民尤甚

者前已下令革罷後復遷延中外失望至使龍
普馳出見責可不愧于心乎德寧寶興等庫凡
非古制者一切釐革庶永不負聖旨勤恤之意
刺史守令得其人則民受其福不得其人則民
遭其害官高而降為者偃肆不遵法年邁而求
得者昏嚚不任事或以請謁起寵畝垂金魚者
又不足言也請如古制朝士之夫八紘者必經
監務縣令至于四品例為牧守而監察司按廉
使必行廢貶為之賞罰所為官高者年邁者用
請謁起寵畝者如不得已寧授京官勿與親民

之任行之二十年流亡不復貢賦不足未之有也
金銀錦繡不產我國前輩公卿被服只用素段
若細布器皿只用鍮銅瓷瓦德陵作一衣問直
則重輟而不為穀陵嘗責前王虜金之衣挿羽
之笠非吾祖舊法有以見國家四百餘年能保
社稷徒以儉德也近來風俗窮極奢侈民生困
而國用匱乏此而已請宰相今後不以錦繡為
服金玉為器又不使袷服乘馬者擁其後各務
儉約諷上而下風俗可以歸厚也前者追徵
暴斂之布便合歸於納者然恐官吏貪緣為姦

細民未蒙實惠故宜分付諸司以充來歲雜貢
令其得免先納借貸之弊行省既有文移當早
施行三食邑既立之後百僚俸祿不備夫以一
國之主取群臣之廉之資以實私藏豈不貽議
後世請問諸兩國罷食邑還屬廣興倉充其俸
額京畿土田除祖業口分餘皆折給為祿科田
行之近五十年邇者權豪之門奪占略盡中間
屢議釐革輒以危言脅欺上聽卒莫能行此大
臣不固執之所致也果能釐革悅者甚衆不悅
者權豪數十輩而已何憚而不果為哉州郡遠

年貢賦之逋欠者有司百計迫徵十分莫得其
一祇是歛怨而已望下令自至正三年已前逋
欠貢賦一切蠲免前此數年窮民有因暴歛典
賣男女請令諸道存撫按廉使出榜許其來京
自告因以官財量給贖還其買者亦令自首若
不自首不與其直勒還父母甚者治罪

修築京城訪大臣時上書

見東國通鑑

我太祖東征西討統三為一之後七年而薨用
瘡痍之民起土木之後所不忍也故不城於京
非不為也勢不可也至顯王初契丹躡蹀京邑

燒毀宮室當時若有城郭之固契丹未必踰躐
燒毀若此其甚且易也顯王二十年始命李可
道築開京城郭厥後金山王子引兵而來西海
忠清道沙平津北無處不至不得入京都余古
車羅大屯兵黃橋又不能入京都以有城郭也
城郭之當修無智愚皆知之矣既定此議雖有
陰陽忌諱確然不改然後可就也

雪谷詩序

文選東

雪谷鄭仲孚崔春軒子壻而學於崔拙翁拙翁
元少許可人春軒端不阿所好每為予稱仲孚

之賢予於是得其為人仲孚既筮仕歷史翰不
十年拜諫議大夫出守蔚州有惠政其去也民
扶老携幼扳援涕泣莫可遏及奉國表如京師
為丞相別哥普化公所重將薦之天子而仲孚
病不起有子曰樞奉樞東歸聞者莫不驚嘆痛
惜嗚呼古之才而不壽者唐有李長吉宋有邢
敦夫二子亦嘗見愛於民見重於大人如吾仲
孚乎東方之七於仲孚之不垂驚嘆而痛惜之
尤宜也所著詩若文若干篇樞編為前後集共
二卷得而觀之慘然主復因書拙語其端歸諸

鄭氏樞今為都官郎中寔予門生也

孝行錄序

見孝行錄

府院君吉昌權公嘗命工人畫二十四孝圖僕
即圖為贊人頗傳之既而院君以畫與贊獻之
菊齋國老菊齋又手抄三十有八事而以贊見
諉於是前後所贊凡六十有四事而虞丘子附
子路王延附黃香則為章六十有二矣其辭語
未免於冗且卑蓋欲田野之民皆得易讀而悉
知也文士見之不指以為調蚩符

二符名東坡
愛玉女洞水

恐使者見給
號調水符

又宋景文作三泉觀龍洞詩後任馬

漕刻石本以獻景文曰近世文拙而好者幾希
石刻世謂虫冷特虫冷即山虫篆也

然念菊齋公八旬有五吉昌公六旬有六而晨
昏色養得其懽心此亦老萊子七十而戲綵者
何異僕將大書特書更為權氏孝行贊一章然後
乃已至正六年五月初吉益齋居士李齊賢序

讓右政丞權斷征東省事書見麗史

伏聞聖旨國王丞相一時受命上自德慶府下
至小民踴躍歡抃不可勝言又奉王旨凡一國
緊要利民利國勾當悉皆行下見聞者莫不有
更生之望但臣才微年邁萬事皆不如人忽承

重命爲權省政丞感激之情上有天日恐不勝
任措躬無地惟望印寶旣至妙選賢能以備庶
官早下新命

宗廟昭穆位次議見麗史

謹按宗廟之制天子七廟諸侯五廟太祖百世
不遷太祖而下父爲昭居左子爲穆居右昭穆
左右則百世亦不變故春秋左氏傳有太王之
昭王季之穆文之昭武之穆之文而尚書謂文
王曰穆考謂武王曰昭考是其昭穆不變之明
證也其兄弟相代者春秋公羊傳以爲昭穆同

班大宋拾享位次圖太祖與太宗哲宗與徽宗
欽宗與高宗各位一世是則兄弟同班之法也
二十二陵蓋自江都去水而陸倉卒所置其制
一堂五室而二十二陵神主一行而列所宜拓
而廣之釐而正之然而不可造次而就未就之
間四時之事無所於享且於五室略依東漢以
來同堂異室之制其二十二神主一一各為一
房以別之太祖惠宗顯宗在太廟不遷則太祖
之昭定光戴安於此無先之者居中室而以西
為上光宗之穆景宗戴宗之穆成宗為從兄弟

居西第一室之第一第二房成宗之昭穆宗顯
宗之昭德靖文居東第一室之第一第二第三
第四房亦從兄弟也文宗之穆順宣肅居西第
一室之第三第四第五房宣宗之昭獻宗肅宗
之昭睿宗為從兄弟居東第五第六房睿宗之
穆仁宗居西第六房仁宗之昭毅明神居東第
七第八第九房神宗之穆熙宗明宗之穆康宗
亦為從兄弟居西第七第八房康宗之昭高宗
居東第十房合於左昭右穆兄弟同班之義若
夫五室拓而廣之昭穆釐而正之則乞下中書

令禮官博士博議詳定施行

拾遺終

益齋先生年譜

至元二十四年忠烈王十四年丁亥十二月庚辰日先

生生○二十五年戊子先生二歲○二十六年巳

丑先生三歲○二十七年庚寅先生四歲○二十八年

辛卯先生五歲○二十九年壬辰先生六歲○三十年

癸巳先生七歲○三十一年甲午先生八歲

元貞元年乙未先生九歲○二年丙申先生十歲

大德元年丁酉先生一歲○二年戊戌先生二歲

三年巳亥先生三歲○四年庚子先生四歲○五

年辛丑先生既知為文已有作者氣是歲冠成人

試又中兩科先生曰此小技耳不足以大畜
吾德討論墳典淹貫精研折衷以至當文定

公大喜曰天其或者益大吾門乎聘夫人權
氏文正公菊齋溥之女菊齋以知貢舉仍有

東床之選
○六年壬寅先生十歲
○七年癸卯先生十七

歲權務奉先庫判
官延慶宮錄事
○八年甲辰先生十歲
○九

年乙巳先生十歲
○十年丙午先生二歲
○十一

年丁未先生二歲

至大元年戊申先生二十二歲選入藝文館春
秋館館中人推讓不敢論文是

冬遷齊安
府直講
○二年己酉先生十三歲擢司憲糾正

○三年庚戌先生二十四歲
○四年辛亥先生

二十五歲再轉典校寺
丞三司判官所居稱職

皇慶元年壬子

先生二十太歲選為西海道按廉使有古持斧風陞成均樂正

冬提舉豐儲倉事

○二年癸丑

先生二十七歲拜內府副令豐儲監斗斛

內府校鑑銖尺寸先生為之無難色人曰先生可謂不器君子矣

迨祐元年甲寅

忠肅王元年先生二十八歲時程朱之學始行中國未及東方

白願正在元得而東還先生首先師受初忠宣王佐仁宗定內難迎立武宗故於兩朝寵

遇無對遂請傳國于忠肅以太尉留京師邸構萬卷堂考究以自娛因曰京師文學之士

皆天下之選吾府中未有其人是吾羞也召先生至都元學士姚燧閣復元明善趙孟頫

咸遊王門先生周旋其間學益進諸公歎賞不置上王問於先生曰我國古稱文物侔於

中華今其學者皆從釋子以習章句雕蟲篆刻之徒寔繁而經明行修之士絕少其故何

也先生對略曰殿下誠能廣學校謹庠序尊六藝明五教以闡先王之道甌有背真儒而

從釋子舍實學而習章句者哉將見雕蟲
篆刻之徒盡為經明行修之士矣王嘉納○

二年乙卯先生二十九歲遷選部○三年丙

辰先生三十歲判典校寺事四月遷進賢○

四年丁巳先生三十一歲奉命如元賀上王誕日○五

年戊午先生三十二歲○六年己未先生三十三歲

南王於樓臺風物寓興遣懷每從容曰此間
不可無李先生也王召古杭吳壽山命寫真像

而北村湯先生為之贊後三十二年先生奉
國表如京師得見其真真有我昔留形影之

句○七年庚申先生三十四歲七月知密直

事田臧獲以賞燕吳侍從功奏授高麗王府
斷事官九月知貢舉取崔龍甲李穀等王嘉

其得人賜銀瓶五十米百石令辦學士宴冬
如元至黃土店聞上王見諧不能自明不勝

憂憤作詩三篇又
作明夷行一篇

至治元年辛酉

先生三十五歲時上王竄吐蕃
撒思結之地去京師萬五千里

先生守京師邸作詩呈柳清臣吳潛
以叙憤懣之意丁文定公東庵憂

○二年

壬戌

先生三十六歲

○三年癸亥

先生三十七歲元
議置征東省於我

東北內地先生如元上書都堂以中庸九經
章綏遠人之義辨之請國其國人其人其議

遂寢時上王尚在吐蕃先生上書元郎中及
丞相拜住請賜環辭吉懇惻忠憤激切拜住

請于帝量移于柔思麻之境先生往謁上王
踰隴抵洮洮跋涉鬼域之境謳吟途中忠憤藹

然足行道過則天墓畱詩一篇畧曰那將周
餘分黷我唐日月又作小序以譏歐公之失

後得朱子感興詩如何歐陽子秉
筆述至公之一篇自驗其識之正

泰定元年甲子

先生三十八歲加匡
靖大夫密直司事

○二年乙

丑

先生三十九歲改賜推誠亮節功臣號○再轉會議評理政堂文學封金海君

三年丙寅

先生四十歲移三司使

○四年丁卯

先生四十一歲

致和元年戊辰

先生四十二歲

二年己巳

先生四十三歲

至順元年庚午

先生四十四歲忠惠王權國復為政堂文學未幾罷

○二

年辛未

先生四十五歲

○三年壬申

忠肅王後元年先生四十六歲

元統元年癸酉

先生四十七歲

○二年甲戌

先生四十八歲

後至元元年乙亥

先生四十九歲

○二年丙子

先生五十歲以

三重大匡領藝文館事

○三年丁丑

先生五十一歲 ○四年戊

寅

先生五十二歲

○五年己卯

先生五十三歲二月忠肅王薨政丞曹頤

為百官屯兵永安宮宣言逐去君側惡小陰為藩王地忠惠王率輕騎擊殺之其黨之在

親者甚衆必欲抵王罪元遣使召王人心危

而己從之如京師代○六年庚辰忠惠王後

舌以筆事得辨析樓詩既還羣小益煽先生題齊化門酒

至正元年辛巳先生五歲○二年壬午先生五十六歲夏著

樂翁○三年癸未使臣朵赤等來領郊天赦

詔王出迎城外朵赤因露刃執王上馬回去

事出倉卒羣臣遑遑同知所措先生上書請

赦○四年甲申先生五十八歲冬忠穆王即

進府院君領孝思觀事置書筵以先生為師

先生進言王有暇者必待良工雕琢然後

成其實器人君豈皆無失必待良臣啓沃然

後能成其聖德因曰臣等不參侍講之時宜

令元松壽常在左右講磨道義先生又上書

都堂請更擇賢儒二人講孝經語孟大學中

庸以習格物致知誠意正心之道又選正直
謹厚好學愛禮者十輩左右輔導親宰相斥
褻狎聲色玩好不使接于耳目習與性成德
造同覺革政房以絕請謁標功過以杜僥倖
禁金銀錦繡以昭儉德蠲逋欠貢賦以安民
生後謂錦城君羅益禧曰吾前以二三策曉
執政者未見施行常愧不能勇去遂上書乞退

○五年乙酉

先生五十九歲

○六年丙戌

先生六十歲上箋乞免書筵講說舉贊成事安輟密直副使李

穀自代五月撰孝行錄六十二孝贊又作序以弁卷十一月王以閔漬所修本朝編年綱

目多闕漏命先生重撰又命修忠烈○七年忠宣忠肅三朝實錄哭文正公菊齋

丁亥

先生六十一歲

○八年戊子

先生六十二歲三月拜提調經史都

監十二月忠穆王薨先生奉表如元請立忠定王

○九年己丑

先生六十三歲

先生六十三歲

○十年庚寅

先生六十四歲

○十一年辛

卯先生六十五歲冬恭愍即位未至國拜先
生右政丞權斷征東省事先生上書固辭
王不允又拜都會議政丞先生令法司考覈
諸道存撫按廉切過遣洪元哲巡問平壤道
金鑄備倭賊以許敵為西北面察訪下裴佺
朴守明于行省獄流盧英瑞尹時遇貶韓大
淳鄭天起時王在元數月國空
虛先生措處得宜人賴以安
○十二年壬辰恭愍王元年先生六十六歲開書筵復命
以先生居右忌之先生知之白王曰臣不敢
居具瞻之地固辭不允又因墜馬傷足上箋
辭王不允加賜推誠亮節同德協義贊化功
臣號先生又上箋固辭王特遣左副代言柳
叔鷹揚上將軍金鑄就賜教旨不允其請先
生又再上箋牢讓不已遂致仕其冬日新聚
羣不逞夜入宮害所忌縱兵誅殺先生以辭
位得免日新伏誅起先生為右政丞賜純誠
直節同德贊
○十三年癸巳正月辭政丞五
化功臣號

月以府院君知貢舉取李穡等○十四年甲

午先生六十八歲○十五年乙未先生六

辭政○十六年丙申先生七十歲進臣奇轍

賜兩府先生辭以無功不○十七年丁酉生

七十一歲五月乞以本職致仕許之國制封

君致仕頒祿有差既老而猶受厚祿於義未

安故有是請朝論以為本職致仕非所以敬

大臣也先生既釋位閒居對客置酒商確古

今亶亶不倦國有大政王必使人咨決或時

引見講論經史訪問治道先生引喻敷陳責

難懇懇王益敬重焉撰國史於家史官及三

病國史不備撰紀年傳志後散失于紅賊之亂

惟自太祖至肅宗紀年在八月王命先生定

宗廟昭穆之次先生上議○十八年戊戌先生七十二歲

次先生上議○十八年戊戌先生七十二歲

次先生上議○十八年戊戌先生七十二歲

次先生上議○十八年戊戌先生七十二歲

次先生上議○十八年戊戌先生七十二歲

訪大臣耆老先生上書畧曰三代而上不可
知三代而下立都而無城郭未之聞也我大
租東征而討削平僭亂統三為一之後七年
而薨用瘡夷之民起土木之役所不忍也故
不城松京非不為也勢不可也 ○十九年
送朴大陽按廩詩又有正朝詩

己亥先生七十有三歲有為
孫寶林呈執政詩 ○二十年庚子先生

七十歲 ○二十一年辛丑先生七十五歲二月
四歲

○二十二年壬寅先生七十六歲紅巾賊陷
京城街駕南還先生奔

謁於尚州謂洪彥博曰今日播遷何異玄宗
山之荒又謂洪彥博曰今日播遷何異玄宗

國之寶也初若設險守隘制勝可必恨不
圖也賊若野戰則我軍必敗但因雨雪乘賊

不虞故勝之此賴宗社山河之祐也因邑駕
至清州登拱北樓先生應製和板上市詩以進

復封雞林 ○二十三年癸卯先生七十七歲
府院君王在清州父不

還都先生亭諸宰進言曰松都宗廟所在國
家根本宜速還駕以慰民望書雲觀以陰陽
拘忌奏宜先駢駕城南興
○二十四年甲辰
王寺侯修康安殿王從之
先生七
○二十五年乙巳
先生七十九歲王
十八歲
王曰臣嘗一見肫其骨法類古之凶人必貽
後患請上勿近肫深術之嬰之百端以其老
不得加害乃謂王曰儒者祿座主門生布列
中外互相干請恣其所欲如李齊賢門生門
下見門生遂為蒲國之盜儒者之為害如此
及肫之敗王曰益齋先生見之明不可及已自
少儕輩不敢斥名必稱益齋及為宰相人無
貴賤皆稱益齋其見重於世如此六月照磨
胡若海以明州司徒方國珍使來獻方物及
歸請詩于先生時先生以老憚於賦咏以請
之勤乃作五言一篇遺
○二十六年丙午先生
之自後不復有所述
○二十七年丁未先生八十一歲秋七
歲

文忠公冬十月有司具歲衛葵于牛峯
李村先塋洪武九年丙辰配享恭啓王

益齋先生年譜終

益齋先生年譜後叙

嗚呼先生文章德業豐功盛烈傳之悠久而
不朽者雖載在東史而先生遺集之傳最不
可踈略也是集所錄素多踈略且鋟梓既久
板本剝缺幾不能辨者多矣不佞向宰月城
時謀所以改之補之而旋移職次未果近先
生後孫之居于慶者始斯役撮要東史之所
載事實則彙補於年譜著述則添錄於拾遺
因請識其事不佞嘉之略書補綴顛末以歸
之歲甲戌仲春通政大夫慶尚道觀察使慶
州金魯應謹識

雞林府院君謚文忠李公墓誌銘

推忠保節同德贊化功臣三重大匡韓
山君領藝文春秋館事兼成均大司成
李穡撰

至正二十七年歲在丁未秋七月

推誠亮

節同德協義贊化功臣壁上三韓三重大匡雞
林府院君領藝文春秋館事益齋先生李公以
病卒于第年八十一大常謚文忠公十月

有司具儀衛葬于牛峯縣挑查村先塋丙辰冬
十月 配享玄陵廟庭公諱齊賢字仲思父

姓李氏新羅始祖赫居世有佐命大臣曰李謁
平其後蘇判居明生兵部令金現兵部生三韓
功臣大守金書新羅王金淳既納土入朝尚太
祖女樂浪公主生女以妻金書生潤弘潤弘生
承訓承訓生周復周復生儒儒生修連修連生
寵暹寵暹生春貞春貞生玄福玄福生宣用宣
生升高升高生文林即尚衣直長同正諱得堅
尚衣生贈左僕射諱漸僕射生檢校政丞諡文
定諱瑱娶戴陵直朴仁育之女辰韓國大夫人
以至元丁亥十二月庚辰生公公自幼疑然如

成人既知為文已有作者氣大德辛丑公年十
五鄭常侍僖試成均舉首負其能相頡頏聞公
所作滄縮莫敢爭先公果為魁是歲菊齋權公
溥悅軒趙公簡試禮闈公又中丙科權公以其
子妻之公曰此小技耳不足以大畜吾德討論
墳典淹貫精研折衷以至當文定公大喜曰天
其或者益大吾門乎癸卯權務奉先庫判官延
慶宮錄事戊申選入藝文春秋館館中人推讓
不敢論文其冬遷齊安府直講己酉擢司憲糾
正庚戌遷選部散郎辛亥再轉典校寺丞三司

判官所居稱職皇慶壬子選為西海道按廉使
有古詩夸風陞成均樂正冬挺壘豐儲倉事癸
丑副令內府豐儲監斗斛內府校蠲錄尺寸公
為之無難色人曰李公可謂不器君子矣忠宣
王位仁宗定內難迎立武宗故於兩朝寵遇無
對遂請傳國于忠肅以太尉留京師邸構萬卷
堂考究以自娛因曰京師文學之士皆天下之
選吾府中亦有其人是吾羞也召至都實延祐
甲寅正月也姚牧菴閻子靜元復初趙子昂咸
游王門公周旋其間學益進諸公稱歎不置乙

亦遷選部議即秋拜成均祭酒因魚議即丙辰
奉使西蜀可至題詠膾炙人口是歲判典校寺
事丁巳拜選部典書己未王降香江南樓臺風
物遇興遣懷每從容曰此間不可無李止也吳
中知密直司事賜端誠翊贊功臣之號知貢舉
時稱得士公年蓋三十四文定辰韓外舅姑三
主皆無恙公舉觴稱壽一世歡之是年奏授
高麗王府斷事官至治壬戌冬還京師未至忠
宣王被謫出西蕃明年公往謁謳吟道中忠憤
藹然奉定甲子加直靖大夫密直司事乙丑改

賜功臣號曰推誠亮節再轉僉議評理政堂文學丙寅移三司使天曆庚午忠惠王權國復為政堂文學未幾罷後至元丙子以三重大臣封金海君領藝文館事己卯春二月忠肅王薨其執政丞曹頤督百官屯兵永安宮宣言逐去君側惡小而陰為濟王地忠惠王率精騎擊殺之而其黨之在都者甚衆必欲抵王罪人心疑危獨且不測公憤不顧曰吾知吾君之子而已從之如京師代古以筆事得辨折功在一等既還群小益煽公屏迹不出著撰翁裨說至正甲申

冬忠穆王即位進府院君領孝思觀事書筵以
公爲師丙戌修忠烈王實錄戊子判三司事辛
卯冬亥陵即位未至國拜公右政丞權署征東
省事數月國空虛公措置得宜人賴以安壬辰
賜推誠亮節同德協義贊化功臣之號元從功
臣趙日新忌公居其上公知之三上表固辭其
冬十月日新薨群不逞夜入宮害所忌縱兵焚
殺公以辭位得免日新伏誅起公爲右政丞癸
巳正月辭五月以府院君知貢舉甲午十二月
復爲右政丞明年又辭公年七十封金海侯十

二月為門下侍中丁酉五月乞以本職致仕從
之國制封君致仕頒祿有差既老而猶受厚祿
於義不安故有是請朝論以為本職致仕非所
以敬大臣也壬寅復封雞林府院君公自十五
登科名蓋一世立朝以來專奉文書歷外制於
藝文春秋館由屬官至兩府封君未嘗去職唯
忠定三年不與焉以公嘗奉表請立玄陵故也
公天資尊重輔以學問高明正大故其發於議
論措諸事業者燁然可觀也初公讀史筆削大
義必法春秋至則天紀曰那將周餘分續我唐

日月後得朱子綱目自驗其識之正人有片善
稱舉惟恐不聞先輩遺事雖細以為難及平生
未嘗疾言遽色有及於穢語對客置酒商確古
今亶亶不倦崔拙翁歎曰士別三日刮目相待
吾於益齋見之矣公務遵舊法不喜更張嘗曰
吾志豈不如古人但吾才不及今人耳公之孫
連姻奇氏公忘其盛滿及其拜平章玄陵勅兩
制賦詩以賀且命公叙其事公辭不為自號益
齋辛旽之敗玄陵曰益齋先見之明不可及也
嘗言旽非端人今果驗公自少儕輩不敢斥名

必稱益齋及為宰相人無貴賤皆稱益齋其見
重於世如此公所著文集若干卷行于世公死
三娶吉昌國夫人權氏生二男三女長男曰瑞
種奉常大夫宗簿副令次曰遵尊奉常大夫典
理掇郎寶文閣直提學知製教長女適正順大
夫判司僕寺事任德壽次適中正大夫興農正
李係孫次適銀青光祿大夫簽書樞密院事翰
林院大學士金希祖封義和宅主壽春國夫人
朴氏宣授西京等處萬戶府副萬戶中顯大夫
司僕正諱居實之女生一男三女男曰彰路奉

翊大夫閔城尹長女適正順大夫判典農寺事
朴東生次適奉順大夫判典校寺事宋憇次惠
妃今為尼瑞原郡夫人徐氏通直郎知瑞州事
諱仲麟之女生二女長適正大夫三司右尹
金南雨次適奉善大夫典醫副正李有芳側室
生二女長適中郎將林富陽次幼宗簿娶密直
使兼監察大夫洪侑之女生一男二女男曰寶
林佳靖大夫政堂文學商議會議都監事進賢
館大提學上護軍長女適通憲大夫判衛尉寺
事趙茂次適中顯大夫順興府使李元禧又娶


檢校中郎將金松桂女生一男曰元益娶文密直
崔沆女生一男幼摠郎娶上黨君白頤正女生
二男一女長曰德林朝奉即驪興郡事次曰壽
林奉翊大夫同知密直司事仕元朝為翰林學
士資善大夫以故贈公大常卿具勲階爵次曰
學林中顯大夫小府尹女適奉翊大夫開城尹
光祿大夫同知樞密院事奇仁傑開城娶重大
匡清城君謚平簡諱公義之女韓氏生一女適
春秋檢閱元序繼室正順大夫判典客寺事金
昂之女生二男一女長曰蟠刪定都監判官次

曰衮慶仙店錄事女幼司僕生二男四女長男
曰純義奉善大夫軍器少尹次曰純禮中即將
長女適通直郎起居郎知製教申渾次適中正
大夫親禦軍火護軍朴永忠次適奉先大夫示
府尹黃泓次適中即將金鑄典農正生二男一
女長曰隲即將次曰亮中即將女適通憲大夫
判繕工寺事安翊判典農生三男一女長曰經
奉善大夫軍器少尹次緯別將次殊文別將女
幼典校生一男幼左尹生二男長曰上佐次曰
廣女皆幼會孫男女若干人趙衛尉生二男

二女長曰從善中即將次遊善權務女皆幼李
順興生一男一女男曰有喜崇恩殿直女皆幼
驪興生二男二女長男曰申承奉郎供造署令
次曰密長女適正順大夫判衛尉寺事李承源
次適宣德郎通禮門祇候郭游禮密直生二男
二女長曰崇義次崇道典密錄事女皆幼小府
生一男二女男幼長女適司憲持平金萬具次
幼奇開城生一男曰慎純義生一女幼純禮生
一男曰滋一女幼申渾生一男二女男曰浩大
殿指諭中即將長女適即將黃允奇次幼大護

軍生三男三女長曰龍壽別將餘皆幼黃少府
生一男二女男曰藥叔餘皆幼鴈生一男一女
男曰孝叔女幼亮生三男一女長曰伯恭次伯
謙餘幼銘曰

天地儲精公迺挺生奎壁耀芒公迺發揚名溢
域中身居海東道德之首文章之宗北斗泰山
昌黎之韓光風霽月春陵茂叔四秉國鈞年踰
八旬麟鳳其瑞蓍龜其神功在社稷澤流生民
闕宮升配哀榮無對惟爾子孫忠孝是遵勿謂
無知公在九原



高麗益齋公以德正集文章倡於當世所習詩文
名為亂藁雜記時事謂之稗說非徒詞旨典雅
前朝上下五百年之跡大略可見實與麗史相
為表裏者也刊行既久未免缺誤宣德六年夏
殿下命文臣釐正繕寫刊于江原道之原州惟
公道德之高功業之盛後輩所欽慕而未及見
獨其英華之統及後世考唯文章是賴耳學者
聞其風誦其詩必有興起者矣此集幾至湮晦
而特命重梓以壽其傳我殿下尊德右
文之義猗歟盛哉歲宣德壬子秋七月 日朝

奉大夫集賢殿應教藝文應教知製教經筵
檢討官巨金鎮奉教敬跋

崇禎丙子後伍
拾柒年癸酉正
月雞林府重刊

益齋先生文集跋

庚子秋余在河村東都尹李公時發以新刻益齋先生文集印本見寄且曰益齋吾先祖也亂後内外文籍蕩失殆盡獨此編僅免灰燼恐遂湮沒不傳乃裒聚而改刻之今始訖工欲藏之名山以圖永久子其為我跋其後余謹受而卒業則其曰益齋亂稿者十卷曰櫟翁稗說者四卷曰孝行錄者一卷總若干卷因撫卷嘆曰富哉先生之文也敏哉李公之舉也傳曰君子之澤五世而斬此但言其槩耳夫德厚者流光其

遺風餘韻將百世而猶存豈但以五世限之哉
古之所謂不朽者三德也功也言也然有德者
未必有功有功者未必有言高麗五百年間名
世者多矣求其本末無備始終一致巍然高出
無可議爲者惟先生有焉故今去先生之亡二
百三十四年其遺文之行世也如星斗麗天喬
嶽在望有目者皆可見至於鋒焰煨燼之中人
且收拾而寶藏之無所失墜又得賢子孫發揮
而掄揚之信乎其德厚而流光也余聞李公始
至東都也賊退甫爾荆棘滿城公私赤立李公


為之未久政通人和凡百施為稍稍復舊乃於
調度征繕之暇留心於文教之事悉取古書籍
之有關於學習者刊刻而廣布焉於先生之文
尤加憐憫焉不數月間成此大役敏速如神可
見公政事文學之才出入遠甚真可謂先生之
後也余於先生亦忝係外派昔在己巳間先君
子出牧清州余省覲往來因獲瞻拜先生遺像
於進士李潛家潛又先生遠裔也望儼即溫至
今森然在目其後聞遺像不全於兵火為之泯
然而悲豈料三十年後得見此全集也人事變

遷俯仰今古不得不重有感焉若夫先生文章
德業之盛牧隱之序盡之余不敢贅只樂道府
尹公之事且記余之所感者而歸之使後之覽
者知斯集之益可貴重也是年九月上泮後學

豐山柳成龍謹跋

惟我先祖益齋文忠公挺生麗季其道德文章
之盛傳之信史載之誌銘班班可考非後人之
所容追贅也所嘗亂藻裨說及所贊孝行錄等
書舊有板本於雞林雞林卽我李之隴西也然
其行世旣久剝缺幾盡屬徃兵火並與其人家
篋笥者而俱燼吁生乎數百載之下邇乎數百
載之上得見其英華之發者獨賴此篇之存而
今其湮晦有至於斯此斯文之所共歎惜而况
在爲之後裔者乎孫之不肖幸忝承茲卽與宗
人之在斯境者亟謀重梓人皆樂助其費繼以

西川鄭相公再以書囑之勤族祖前正言范龍
氏搜寄其家藏孝行錄勉以并刊噫以不肖追
慕之拳拳而復有宗人之助相公之囑正言公
之勉此事之所以克濟也本黨及說與錄三言
摭若干卷皆親加讎校大其字於舊刻且收輯
詩文之逸於本集者數篇附之卷末至其孝行
一部乃於簿領之暇手自繕寫者非曰能之欲
寓其區區敬慕之意耳刻既成不可沒其顛末
歲月於是乎云萬曆庚子中秋十一代孫通政
大夫守慶州府尹時發謹識





齊並

四